

Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

4. Ædificium spirituale Theologicum quomodo fundetur, tegatur,
perficiatur.

[urn:nbn:de:hbz:466:1-46065](#)

præcordiis meis. Profitetur se planc intellexisse divinum ac supernaturale donum esse *Continentiam*, iuxta *Augustinum*, *Castitatem*, aut magis uiversè, omnium concupiscentiarum moderatricem virtutem, sed præcipue refrenatrem libidint. *Iubet Deus Continentiam*, inquit alicuius *Augustinus*, & dat continentiam: iubet per legem, dat per gratiam: iubet per litteram, dat per Spiritum. Et alibi ad *Dominum* conversus. *Tota spes mea non nisi in magna valde misericordia tua.* Da quod iubes, & iube quod vis. Imperas nobis continentiam. Sed nemo potest esse continens, nisi Tu des *Continentiam* iubes, da quod iubes, & iube quod vis. *Continentia* est, homo in potestate tenens, frenans: & coercens venereas corporis voluptates, earnmque domitor, vicit dominus, qui talis constituitur *Virtute Christiana*, si illa dicatur *Castitas*, sive *Continentia*,

S. August. lib. 7. Confes. cap. 11. Epist. 59. q. 2. Epist. 143. ad Iuliu-
lib. 10. Conf. cap. 29. Bellar. lib. 2. de Monach. cap. 31. lib. 5. de gra-
lib. arb. 2.

ARTICULUS III.

ÆDIFICUM SPIRITUALE THEOLOGICUM

Quomodo fundetur, erigatur, perficiatur.

VIRTUTES istæ, quas Christianas vocavimus (Theologii in scholis infusasa ppellant, ut ab acquisitis hanc nomenclatura distinguantur) Ædificium illud secundum constituunt, quod spirituale Theologicum, ac Divinum nuncupavimus, & ab Architecto Christiano Morali, seu Tropologico debet magna industria consti-
 At, quomodo? dicis, cum superius sit demonstratum nullo hominum labore, nullis humanis viribus, nulla creata industria, vel posse has virtutes provenire, vel ani-

anima, tanquam in solo, cui imponendum est Ædificium, aptè ad structuram collocari. Qui ergo fieri potest ut quis mortalium hoc Divinitati Palatum in se erigat, aut ejus sit Architectus? Si quispiam neque lapides, neque ligna producere, neque è montibus aut silvis excindere, neque ad destinatum Ædificio iocum aduchere, neque tandem ad structuram posset componere, is profecto nunquam domum posset construere, & si id tentaret, operam omnem suam perderet.

Hæc quidem probant, hominem per se, & solâ naturæ facultate non posse divinam hunc fabricam erigere, ideoque necessitatem adjutorii à supremo Architecto postulandi: non tamen evincunt, Omnipotentis adjutorio, non posse per hominem quoque molem illam Christianarum virtutum exsurgere. Quamvis enim homo divinis destitutus Gratiae subsidiis, nequeat, ad virtutes Christianas producendas quicquam conferre; & licet etiam divino instructus auxilio, non valeat easdem actuum frequentatione in se gignere, velut adquisitas, seu Philosophicas: nam non ita illæ producuntur; tamen, si Gratiae cooperetur, & setora mente, ac animo ad tantorum munerum auctorem convertat, tum verò etiam votis ac precibus suppliciter ejus ope in efflagitat, denique, nihil omittat eorum, quæ ad amicitiam ejus de merendam, & gratiam obtinendam desiderantur Deus, tanquam Architectus, Virtutes dictas illi communicabit; & easdem ut Ædificii divini materiam, ad structuræ proportionem, in laniæ ad hoc præparatas solo accommodatæ tanquam totidem lapides collocabit: deinde. Gratiâ suâ veluti calce, conjunget, ac tandem adamantinis Providentæ retinaculis constringet, ut nihil ad Ædificii perfecti consummationem amplius requiri possit. Quod cum Deus, homine operam quo-

quoque suam, & industriam in adificationem conferente, faciat, recte homo inter operas architectonicas numeratur, & dicitur in se Virtutum Christianarum Aedificium extruere.

DICAM hoc planius. Non est existimandum nobis, oscitantibus & planè ociosis Christianarum virtutum munera cælitus instillari. Est hoc priviliiegium parvulorum, qui dum ante rationis usum baptismi admoventur, simul cum divinâ, absque alia præparatione, virtutibus infusit dotantur. At vero, qui rationis usu est prædictus, Virtutibus nondonatur, nisi diligenter ipse al laboraverit, & operam iudicia inque suam adhibuerit, Quamobrem Theologi inter causas Gratiae divinae numerant etiam disponentem sive præparantem ut S. Thomas I. 2. q. 111. art. 2. ot. 3. Constat enim ex Litteris sacris ad Gratiam, Virtutesque supernaturales obtinentas, necessariam esse mentis in Deum conversionem. Hinc creberimæ illæ Prophetarum adhortationes: *Convertimini ad me in toto corde vestro*, Iocelis Secundo. *Convertimini ad me*, & ego convertar ad vos, Zachariæ I. *Convertimini, sicut in profundum recesseratis*, Isaiæ xxxi. *Convertimini ad me & salvi eritis*, Isaiæ XLV. *Convertimini filii revertentes* dicit Dominus Jeremiæ III. *Convertere Israël ad Dominum Deum tuum*, Osee IV. *Præparare in occursum Dei tuus Israël*, Amos IV. *Præparate corda vestra Domino*, I. Regum VIII. *Aperi mihi*, inquit Sponsus, Canticorum V. itaque cordis patentes aperiendæ sunt januae. Apocalypsis III. *Ego sto, ad ostium & puls: si quis aperuerit mihi, intrabo ad illum*. Quocirca docent consensu Ecclesiæ Doctores, debere hominem in animo patefacere aditum divinis munibus, ut illorum sit particeps. Non dat Deus sancta canibus, inquit Cyrillus Jerosolymitanus Catechesi I. *Sed ubi bonum videt propositum*, (quod ipsum est divinæ gratiæ præveni-

venientis & excitantis) illic salutare sigillum & admirandum imprimet. Et S Cyprianus epistola ad Donatum. Profluens largiter spiritus nullis finibus premitur, nec coercentibus claustris intra certa murorum spacia frenatur: manat juguer, exuberat affluenter: nostrum tantum sitiat pectus & pateat. Quantum illuc fidei capacis adferimus, tantum gratiae inundantis haurimus.

PORRO, absque operâ humanâ non extrui in homine Ædificium Gratiae ac virtutum Christianarum adfirmat diserte S. Augustinus. lib. de Spiritu & littera cap. V. Humana, inquiens, iustitia operationi Dei tribuenda est (id est, Deus est princeps Architectus) quamvis non fiat sine hominis voluntate (hoc est, homo quoq; est inter secundarios operarios. Et c. ix. Iustificati gratis per gratiam ipsius: non quod sine voluntate nostra fiat sed voluntas nostra ostenditur infirma per legem, ut sanet gratia voluntatem. Eundem sensum habent illa ejusdem Doctoris, in sermone xv. de verbis Apostoli Esse potest iustitia Dei sine voluntate tua, sed in te esse non potest. nisi per voluntatem tuam. Ac mox si hominem te fecit Deus & iustum tu te facis, melius aliquid facis, quam fecit Deus. Sed sine te fecit te Deus: non enim adhibuisti aliquem consensum, ut te faceret Deus, quomodo consentiebas, qui non eras. Qui ergo fecit te sine te, non te iustificat sine te. Ergo fecit nescientem, iustificat volentem. Idem confirmat S. Thomas 1. 2. quest. 112. art. 2. hoc argumento. Nulla forma recipi solet in subiecto, nisi sufficienter aptato ac disposito. Sic domus non in ædificatur arce, nisi prius ad structuram suscipienda idoneis modis præparatae. At per mentis ad Deum conversionem, & variis recipiscentiæ, pænitudinis, amorisque actibus, mens apta efficitur ad suscipienda Gratiae, & virtutum charismata. Itaque non extruitur virtutum Christianarum Fabrica, nisi homo ad ædificationem operam suam contulerit. Quamvis autem tota hæc præparatio,

una

Conversionis in Deum formulâ exprimatur, multa tam
continet, ad quæ perficienda hominis debet desudare in-
dustria, ut muneri suo satisfaciat. Nam præter functione
fidei, qua firmiter credere oportet omnia à Deo reve-
lata, & ab Ecclesiâ proposita, requiruntur ad obtinen-
dam Gratiam, operationes timoris, spei, pœnitentia &
tandem Caritatis, quas homo divino adjutus præsidio
exerceat.

JAM verò Virtutibus illis in anima ritè dispositis, di-
vinaque Gratiâ junctis, ac belle exornatis, exsurgit in-
la, præter Ædificium Morale, seu Philosophicum, alte-
rum virtutum Christianarum divinitus infusarum The-
ologicum, seu Divinum, in cuius cacumine legi posse
inscriptio:

DOMUS SAPIENTIÆ ÆTERNA.

Quæ, ut in vobis erigatur, & in æternum maneat
præter ædificationem vestram, quæ consistit in piâ coo-
peratione, requiritur maximè auxilium Patris æterni
benedictio Filii increati, & afflatus Spiritus Sancti, qui
vos Sapientiæ candidatos, quod enixè precor, ament
foveant, & iterum iterumque benedicant in seculis
culturum. AMEN.



SERMO III.

ÆDIFICIUM OPERUM MERITORIORUM

ARTICVLVS I.

A quo, & Quomodo extruatur



ERRIUM Ædificium, circa quod versari
debet Architectus Christianus Tropolo-
gicus, nunenpamus Operum Meritoriorum.
Postquam enim in homine constituta est
Do.